



САМУРДИН

ссс

«Магъарамдхуъруън район» МР-дин
общественно- политический газет.
Общественно-политическая газета
МР «Магъарамкентский район».

Газет 1951- йисалай акъятзава. № 41 (7809) киш, 8- октябрь, 2016- йис. Къимет 6 манат.

СУВАРИН ТЕБРИК



ГЪУЪРМЕТЛУ РАЙОНЭГЪЛИЯР! Алай йисан 10- октябрь Россиядин Федерациядин Президент В. Путинан Указдалди хуъруън майишатдин къуллугъчидин югъ яз малумарнава.

Чи райондин лагъайтла, и йикъахъ галаз сигъ алакъа ава. Республикада амай районрилай алава яз чи район шак алачиз, хуъруън майишатдин район я. Багъманчиярни уьзуьмчияр, саларбарни магъсулдарар, малдарар ибур вири чи районда йис-йисандавай йигин еришралди камар къачуз виликди физвай хуъруън майишатдин къилин хилер я.

Гьелбетда, хуъруън майишатди чи райондин экономикада, яшайишда къилин роль къугъвазва. Вучиз лагъайтла, чун хуъруън майишатдин район я. Районэгълийрин гзаф пай хуъруън майишатдин хиле зегъмет члугъвазвайбур я.

Хуъруън майишатда къазалмишай агалкъунрин жигъетдай къуртлани, Магъарамдхуъруън район республикада гъамиша къенкъевчи район хъайиди я.

Муниципальный райондин Администрациядин ва къилди жуван патай райондин хуъруън майишатдин хиле зегъмет члугъвазвай вири районэгълийриз и сувар мубарак хъуй. Къуй куьне члугъвазвай зегъмет хийирлуди, бегъерлуди хъурай. Квез виридаз Аплагъди сагъвал гурай.

Фарид АГЪМЕДОВ,
«Магъарамдхуъруън район» муниципальный райондин
Администрациядин къил.

2017 - ЙИС
ПАТАЛ

САМУРДИН

ссс

ГАЗЕТДИН
ПОДПИСКА
БАШЛАМИШ ЖЕЗВА

* * *

ИНДЕКС:
6 вацра - 51406
12 вацра - 63340

ГАЗЕТ
райцентрдал почтамтда,
хуърера адан отделенийра
подписка ийиз жеда.

* * *

ГАЗЕТДИН КЪИМЕТ
6 вацра - 141 манат
12 вацра - 282 манат





АДЕТ ТИРВАЛ, гъар йисуз чи уьлкведа хъиз райондани 5- октябрь малимрин сувар шад гълара къейдзава. И сефердани Россиядин халкларин адетдин культурадин центрдин члагурнавай фойедин зал суварин иштиракчийрай ацланвай. Рикл шадвилерин гъиссерив ацланвай малимар суварик лап дамахдивди атанвай. Чпин залан амма мергъяматлу зегъметдиз икI къимет гунилай, сувар райондин сергъятда ихътин шад гълара къейд авунилай абур рази тир.

Шад мярекат Кчункъаз-майрин юкван школадин директордин заместитель Тофик Къурбановани УО-дин къилин пешекар Зарема Моллаевади тебрикдин гаф рахуналди ачухна. Сифте гаф «Магъарамдхуьруьн район» МР-дин Администрациядин

МАЛИМРИН СУВАР

къил Агъмедов Фарид Загъидиновичаз гана. Фарид Загъидиновича акъалтзавай несилдиз чирвилер ва тербия гузвай, четин, важиблу ва жавабдар пешедин иесияр тир малимриз чпин сувар мубаракна.

-Къе уьлкведа санлай образованиедин системада еке дегишвилер физвайла, республикадин руководстводи образованиедин хилез къетлен фикир гузвайла малимдин хиве авай везифаяр,

келунин йисара олимпиадайрай, ЕГЭ-яр хъсан нетижаяр хъана.

Ахпа Фарид Загъидиновича, райондин школайрин са жерге малимрив яргъал йисара члугур гъакъисагъ, бегъерлу зегъметдиз ганвай къимет яз РД-дин образованиедин ва илимдин министерстводин, «Магъарамдхуьруьн район» МР-дин ва МР-дин образованиедин управлениедин тIварунихъай Гъурметдин грамотаяр шад гълара вахкана.

Гуьгъуьнлай мярекатдин шад пай, концерт башламиш



жавабдарвал мадни артух хъанва. Малимдин зегъметдилай инсандин, инсандилай обществодин, обществодилай уьлкведин гележег аслу жеда. Иниз килигна хъсан гележегдик умуд кваз зегъмет члугуна кланда. Алатай келунин йисарив гекъигайла 2015-2016-

хъана. Р. ва А. Къарибоври, Ш.Асварова, Ф.Абдурагъманова тамамарай манийри, малимри авур къуьлери иштиракчийрин гуьгъуьлар шадарна.

Суварин шадвилер хуьредин школайрани давамарна.

А. АЙДЕМИРОВА.



МР-дин АДМИНИСТРАЦИЯДА

ОБЩЕСТВЕННЫЙ ПАЛАТАДИН ЗАСЕДАНИЕ



И ЙИКЪАРА Муниципальный райондин администрацияда кыле фейи общественный палатадин заседаниедал, эхиримжи вахтара чи республикада, районда кыле физвай вакъиайрикай, райондин агъалийрин хатасузвал таъминарун патал къабулзавай серенжемрикай, террористринни экстремистрин аксина тухузвай кваллахдикай рахана.

Заседаниедин кваллахда райондин общественный палатадин членри, жавабдар къуллугърин ва диндин векилри иштиракна.

Сифте гаф рахуналди заседание райондин общественный палатадин председатель Агъадаш Нагъметуллаева ачухна ва ам анал рахана.

Вичин рахунра Агъадаш Нуьсретовича къейдна:

-Гъуьрметлу заседаниедин иштиракчияр, кье террористринни экстремистрин чпин къанлу мурадар кылиз акъудун патал жуьреба-жуьре къайдайрикай гзаф вахтара диндин ма-

канрикай менфят къачузва. Террористринни экстремистрин члуру ниятри чаз мад сеферда мукъаят хъуниз, гуьзчивал артухаруниз эвергузва.

Эхиримжи вахтара къанлу крар ийиз алахъзавайбурун вилик пад къун патал райондин руководстводи, къайдаяр хуьдай органри, общественный организцийри тайин тир кваллахар тухузва. Террористрикай, экстремистрикай мукъаят хъуниз талукъарна райондин администрацияда совещанияр, заседанияр тухузва, анрал къабулзавай крар кылиз акъудун патал талукъ органриз тапшуругъар гузва. Абур тамамарун жавабдар къуллугърин гуьзчивилик кутазва.

Алай вахтунда районда авай 21 мисклиндикай 19 кардик ква. Абур талукъ органрин учетда ава. Инра законди къадагъа авунвай литература пропаганда авур, террористрин терефар хвейи дуьшуьшар малум туш.

Муниципальный райондин администрацияди террористрикай инсанрин хатасузвал хуьниз талукъ яз са шумуд крарар къабулна, и жигъетдай махсус комиссиярни кардик кутунва. Амма къабулнавай серенжемрин гъакъиндай районэгълияр хабардар авун, и кар патал райондин газетдикай, телевидениедикай менфят къачун разивал ийидай чкадал алач.

Террористрин, экстремистрин аксина тухузвай серенжемар нетижалубур хъун патал вири къуватар сад авун лазим я. Инсанрин хатасузвал хуьн патал уях хъун, террористриз акси гъерекат зайифар тавун, и кар гъар йикъан гуьзчивилик хъун виридалайни важиблу я.

Гуьгъуьнлай А. Нагъметуллаеван докладдин винел рахай вирибуру вири организцийрин къуллугъчийриз ва районэгълийриз терроризмдинни экстремизмдин аксина акъвазунин гъакъиндай эвер гунин крарар къабулун кьетна.

Р. МУРАДАЛИЕВ.

ТУЪКЪУЪЛ ГЪАКЪИКЪАТ

(гъикая)

ЮКЪВАН школада клелдай береда Мемесил бедрягъ аял тир. Адан кутугсуз рахунрикай, сарсах амалрикай неинки таяртушшер, гъатта малимарни икрагъ хъанвай.

«Меги, Емеля, твоя нефля», - лугъудай адаз юлдаши нубатдин сеферда чурун тавур ихтилат кудурла. Гъи чкада «ЧП», нагъакъан кар хъайитла, гъана Мемесилан гъил, шериквал жедай. Анжах тахсир вичин са члавузни хиве къадачир- « акунач, чидач, зун туш»- гудай жаваб.

Са сеферда рагъ алай юкъуз, демекдай какаяр чуьнуьхдайла Мемесил гъиле гъил аваз къуншиди къуна. - «Зи какаяр вахце, абур къуьртлуь вечрез кутазвайбуру тир», - лагъайла, «ваз къай фенвани», какаяр гъинай, зун гъинай, жаваб гана къил баштаннай Мемесила. Мад сеферда школадиз ам хъувчуьк кацин шенпи кутуна атана. - «Бакара атайтла лугъуз жеч», - фикирна Мемесила. Тарсуна малимди доскадал эвер гайила ада тадиз шемпидин къвала тлуб эцяна. Лал къенвай классда бирдан ажайиб, къариба ванер-сесер гъатна, клелзавайбуру тархайи хъверна, классда адетдинди тушир гъулгула гъатна. «Зун иеси туш», - лагъана Мемесила та-

диз шемпи суьредин юлдаш Ильясал вегъена. Амма язух гъайвандиз вичин халисан иеси вуж ятла чизвай, гъакинай ам элкъвена мад Мемесилан къужахдиз хтана. Ученидин уюнбазвал райж хъайила малимди адаз клевелай туьнбуьгънай.

Закай летчик хъайила за самолет хуьруьн къилихъ галай тик тепедин клукни куквал ацукъарда, къуй хуьруьнбуруз чир хъурай Мемесил вуж ятла, квезни, гадаяр, булдалди катацияр жеда», - тупядай кефияр къумбар береда Мемесила.

«Ягъиз тежедайда еке къван къада», - «рожденный ползатъ, летать не может», - зарафатдин тав кваз лугъудай Ильяс. Пагъ, ихтин ихтилатар ван хъайила Мемесил хъиле къиб хъиз дакурдай, Ильясни душман къван такан жедай адаз. Лагъ кван вучиз закай пилот жедачатла? Буй авачни, къуват квачни, киклиз чидачни, элкъведай ам дамбул хутар хътин вилер экъисна хъиз, Ильясал. - «Цавара лув гун патал киклиз чир хъун алакун туш, чирвилер, дерин чирвилер герек къведа, - тагъкимардай Ильяс». Ви къатлунрай захъ чирвилер авач, яни? - Гъахъ лагъайтлаваъ, авач, ви чирвилер арабачи хъун паталдини бес жедач».

Суьредин юлдашдин патай ихтин саташмишвал Мемесила гуьзлемишнавачир. - «Къей хва, Ильяс, - хъел кваз башламишна Мемесила, - ты совсем со-

весть потерял, вуна заз несятар гумир, чакай вуж вуж ятла виридаз чизва. Зи чирвилериз къимет авач, клелна, клелнач, алахъна, алахънач къимет пуд я, ви къудар, вадар тапанбуру, фашалбуру я, килигда зун ви алакунриз экзаменар вахкудайла.

«Вун зи къайгъуда жемир, жуван жаваб це, Мемесил, - гаф сиве амаз рахун къатна Ильяс.

Заз экзаменрихъай клусни кичле туш. Экзаменриз зун накъни къеваъ, школадиз фейи сифте йикъарилай гъазур жез хъана. Вун шагид я, Мемесил зун гъич са тарсуникайни себеб авачиз хкечнач. Малимрин тапшургуьар за тамамвилелди къилиз акъудиз хъана. Зи къиметар гъакъикъибур яни фашалбуру яни за экзаменда субутда».

Ильясан рахунри Мемесилаз ифей сачунал яд иличай хътин таъсирна.

Яраб Ильясанбуру дуьз гафар ятла, тахъайтла тапанбуру? Бес зун, зи школадин йисар, зи чирвилер, зи малимар. За и йисара виле акъадай вуч авуна, зун квен иеси я, уьмуьрда сифте яз Мемесил яргъал ва перишан хиялри тухвана.

Ингъе капунал алай хъиз аквазва школадин йисар. Мемесил муквал-муквал себеб авачиз тарсарикай хкечдай, школадиз къелем-дафтар гвачиз, кклай гъалда аваз къведай, тарсуна малимди тарс ахъаюн патал доскадал эвер гайила къудгъунна къа-

рагъна хъиз «гъазур туш, къведай сеферда хъурай», - лагъана ацукъдай, гуьгуьнилай, танафусдиз экъечайла- «зас тарс яд галайди хъиз чизвайди тир, анжах просто» тарс ахъайдай ашкъи авачир», - лугъуз юлдашрин вилик туп ядай. Мад сеферда Мемесил тарсунай цуьк жедай.

- «Я кас, ша чна Мемесилаз артух басрух гун тийин маша я ман бубадиз авайни авачир сад, къуьрмада акъада, ам чехи хъайила уьмуьр анжах башламиш жезва» - лугъуз хъана къадарсуз регъимлу малимди. Ахътинбуру тарсуниз гъазур тушир Мемесилаз къвед фикирда къуна журналдиз пуд эцигдай. - «Мемесилаз килигна классдин умуми шикил члур тийин» лугъузвай абуру.

...Школадин йисар сад-садан гуьгуьуналлаз къвез алатна. Мемесилакайни гила чехи классрин ученица хъанвай. Адан амалар, хесетар, уьмуьрдин тегъер аквадайвал дегиш хъанвай, амма клелунив гатлумавай къайда гъа виликанди тир. Пелез стлун гъекъ акъуд тавуна чантадиз къвезвай пудрикай адаз гила гъяз къвезмачир. - «Галайбуру къудар, вадар къачурла зи къимет гъамиша пуд я, вучиз»? - суаллу тир Мемесил, иллаки суьредин юлдаш Ильясан агалкъунри Мемесилав къарай вугузвачир. Школадин дамах, клелунай зайиф аялрин умудлу куьмекчи-даях тир Ильясан къастунин клевивили, къилихрин къенивили, зигъиндин

хцивили вири гъейранарзавай. Мемесилаз лагъайтла гъа и лишанри яцраз яру пенци акур хътин таъсирзавай.

-«Аку-е шикил школадин Гъуърметдин къулунал хъайила, тарифдин граматаярни, гъатта кърметлу пишкешарни мад кас амачирди хъиз Ильясаз гузва. Вучиз? Вуч себебдалди», - лугъузва Мемесила. - «Райондин, республикадин олимпиадаирин гъалибчини гъа-гъа «цумух» я лугъуда. Низ чида ятла, зун, месела, клусни агъазвач».

Мемесилаз акл тир хъи, гуя Ильясаз малимри кърметар халахатурвилелди арада чирхчирвал аваз, чарадан эмир- тапшуругъдалди эцигзава.

-«Захъ умудлу я халу хъанач, я ими ухът аладарна хъиз лугъузва Мемесила, дахдиз чидайбурни са гафар я: «Клепа, бала, клепа». - Зи квез я клеун эцигзавайди гъамиша ягъи хъайи пуд тирла. Класс жуванбурузни патанбуруз, хайибурузни тахайбуруз пай хъанва. Тенпелринни, женжелрин халис девран алухънава».

«Ваъ, татугайвилерал эхир эцигна кланя», - лугъузва Мемесила. Рикел школадин ракларин кърлихъай чехи гъарфаралди кхъенвай гафар кхезва: - «Гъар са ватандашди гъахъ патал женг члугуна кланда».

- «Рахун авач, дуъз гафар я, зунни гъазур я экечиз женгиник, амма гъикл, квелди, нухъ галаз» - кьам чухвана хъиз, фикирдик акатзава Мемесил. - «Гъар гъикл хъайитлани энглешна виже кьевадч, кьетна гадади.

-Къарикай са юкьуз пакамахъ фад, гъеле мичизмайла, Мемесила школадин жугъундилай цегъре хъиз хкадарна канциляриядай классдин журнал чъунуьхна, ахпа ам шейтандинни шак текъведай са чкадиз гадарна.

-Къачуда вуна гила, Ильяс, кързилдин медаль, ажугъдивди лугъузва Мемесила, - «Гила куьне, гадаяр, кърил акъуда низ гъихътин кърметар авайтла, малимризни им тарс жеда, къруй виридаз са виляй килиграй».

Амма Мемесилан члуруният кърлиз акъатначир. Школадин «сышикри» са куьруь вахтунда журнал жагъурна. «Цегъ тлурдан кърлел цай ала», - лугъуз гъарагъиз хъайи Мемесил са геренда табдил хъана амухъна. Тади къачун тийин, артухан гъерекатар герек къезвач, - плузаррикай хъиз мурмурзава ада. Экзаменри вири вичин чкадал хкида, гъардаз къезвай кърметни гуда.

...Юкьан школа акъалтларнавайбуру акъул балугъвилин аттестат патал бубалухдин тарихдай имтигъан вахкузвай. Сифтегъанбурун кърифледик кваз классдиз гъахъай Ильяса билет къачуна гъазурвал аквазвай. Мемесилни гъерекатдик квай. Ада кьецелай ракланин хъиткърдай Ильясал кьетлен гуьзчивал тухузвай. «Килигда зун ви алакунриз, им тарс туш гъа, госэкзамен я», - гъелегъ кьадай жуьреда лугъузва Мемесила.

Ильяс жаваб гуз экечна. Декъикъани фенач «буюр, муькуь суалдал элячла», - ван

къезва Ильясаз экзаменатордин - «Ватандин Чехи дяведа советдин халкъ гъалиб хъунин чешмеяр». - клелзава Ильяса нубатдин суал.

-«Ун, дикъетдивди яб гузва, ахъая кван абур вуч «чешмеяр» тиртла дяведа гъалиб хъайибур», - къриф къаз гъазур хъанвай кац хъиз акъвазнава ракланинхъ галай гуьзчи. - «Чизвач, яни?» - кьарай атланва «экзаменатордин». Зарар авач, тлбии кар я. За лагъанай, экзаменри вири вичин чкайрал хкида, гъардаз къезвай кърметни гуда. Къачу, Ильяс, жуван тум галайди, ахлак кваллиз, чирвилерин кърйгъуда гъевчи члавалай хъана кланда, - айгъамдивди куьтягъна вичин нагъил Мемесила.

Гъа и макъамда Ильяса клусни кьалабулукъ квачиз, фасагъат урус члалалди, инанмишвилелди билетдин кьвед лагъай суалдиз атлай, тамам жаваб гузва.

-«Бесрай, аферин, ваз гаф авач «отлично», - бирдан, ахварай хъиз, ракланин хъиткърдай ван къезва Мемесилаз. - «Яъ, акъваз, акъваз, ина вуч хъанай, тешвиш хъана «гуьзчи». Адаз мад Ильясан жавабдихъ яб акалдай са игътияжни амачир. Гъа са вахтунда вич магълуб хъайидини гададиз хиве къаз кланзавачир. Са шумуд декъикъада ам члал кьур хъиз кисна акъвазна.

-«Атлам аку, - ракларин хъиткърдай гиманлудаказ столдихъ ацукънавай дишегълидиз килигзава Мемесил» - кърлин тахсиркар гъам я. Я хала, я эме я

Ильясан. Жавабни гъада шпаргалкадай списатиз тунвайди я».

Бирдан Мемесилан гиманлу фикирар гъа кьакъан буйдин, рехи чларарин дишегълиди мукратди хъиз атлана. «Кичле жемир, бес я ракларихъ акъвазайди, буюр, ша вилик, нубат види я, билет къачуна жуван гъазурвал аку, Мемесил», - секин, милаим сесиналди лугъузва столдихъай Ильясан «халади».

«А- гъан, къркуь мада акъуна, сифте регъят билет Ильясав къачуз туна, гила зун клева тваз кланзава акунани?. Хуш рафтарвилелди гатлунна шак элядиз кланзава, - теспачавилелди килигзава Мемесил дишегълидиз.

Эвел кърляй адаз экзамендин билет къачудай ният авачир. «Артух жуваз басрух гуникай файда авач. Къруй эциграй заз гъамиша хъиз са пуд. Зун рази жеда. Пуд «жуд» туш кван, юкьван кърмет я, удовлетворительно» яни рази жедай кърмет», - вичи вичикди веревирдзава Мемесила.

Амма Ильяса къачур вадалай гуьгъуьниз адан фикир михъиз дегиш хъана, зун адалай клусни усал туш, къезвай кърмет зазни гурай комиссияди, - кьетна ада ва эркиндаказ столдал гърл яргъи авуна.

**Агъадаш
НАГЪМЕТУЛЛАЕВ.**

**(Къатл къеведай
нумрада).**

КЪУЛЛУГЪЗАВА АСКЕРДИ ВАТАНДИЗ

БУРЖИДИЗ ВАФАЛУ ЯЗ

ВАТАНДИЗ къуллугъ авун вири вахтара пак тир буржи хъана. Къени чи рухвайри бубайрин женгинин баркаллу адетар давамарзава. И кардин гъакъиндай командиррилай диде-бубайриз хуьквезвай чухсагъулдин чарари шагъидвал ийизва.

Ихътин чар Гилийрин хуьре яшамиш жезвай Бакир ва Гуьлжегъре Магъамедоврин хизандини вахчуна. Ана кхъенвай:

«Гъуьрметлу Бакир Таривердиевич ва Гуьлжегъре Велихановна! Куь хва Шихзада

вич къуллугъдин сифте йикъарилай тапшурмишай кар тамардай, зегъметдалрикI алай аскеряз къалурзавайдан гъакъиндай квез хабар гунал чун шад я.

Магъамедов Шихзадади подразделениедин общественный уьмуьрда активвиледи иштиракзава, гафуналди ва краралди вичин юлдашириз куьмек гузва, аскервили буржи намуслувилелди къилиз акъудзава. Вичин къулдугъдин везифаяр намуслувилелди

тамамарунай адаз командирри са шумудра чухсагъулар лагъана.

Ихътин хва тербияламишунай чна квез чухсагъуллу гъузва. Квевай хцел гъахълувилелди дамах ийиз жеда. Куь хци идалай къулухъни вичин аскервили буржи гъакъисагъвилелди тамардайдак чна умуд кутазва».

11403- войсковой частунин командир, полковник
А. ПАВЛОВСКИЙ.

Р. МУРАДАЛИЕВ.

ОБЪЯВЛЕНИЕ**УВАЖАЕМЫЕ
НАЛОГОПЛАТЕЛЬЩИКИ!**

СОГЛАСНО ст. 23 Налогового Кодекса РФ к обязанности физических лиц, налогоплательщиков относятся уплата транспортного налога, земельного налога и налога на имущество.

С начала мая 2016 года ФНС России начала работу по исчислению физическим лицам налога на имущество. Земельного и транспортного налогов за 2015 год. А с июня началась массовая рассылка налоговых уведомлений.

Управление ФНС России по Республике Дагестан обращает внимание, что в 2016 году на всей территории РФ будет действовать единый срок уплаты Имущественных налогов гражданами -1-декабря 2016 г.

Уплата налогов осуществляется налогоплательщиками на основании направленного налоговым органом налогового уведомления. В соответствии со ст.52.Налогового Кодекса РФ налоговое уведомление должно быть направлено в срок не позднее 30 рабочих дней до наступления срока уплаты налога, налоговые уведомления за 2015 год будут разосланы до 18.10.2016 года.

По всем вопросам просим обратиться по адресу:

с. Магарамкент, ул.К. Рамазанова №6.

Тел. 8235-25-9-75

Руководство инспекции.

**АЙБОЛИТ**

***Англиядин** духтурри уьгъуьдин дарманрихъ гузвай пул гарал гадарай мисал я луьгузва. Абуру чпин пациентриз меъивилелай жезвай азаррин лишанар малум хъайила, лимонни вирт кутуна чай хъун меслят къалурзава. Ахътин чайди тутьуьхда ва бронхийра авай гъер бактериярни кваз акъудзава.

***Давление** агъуз аватайла са стакандавай укълубъ яд хъун меслят къалурзава. Гъакъни фу тлуьрдалай къулухъ 2 г.

къел ишлемишайтIа, давление агъуз аватнавайдан гъал гъасятда хъсан жеда.

***Дуркълунра** ва тутьуьулдин куркурда къванер авайла, чайдин са тлурунавай газардин тумунал са стакан яд илична, 10 декъикъада зайиф цIал эцигна,ругуна, 30-40 декъикъада тада. Ахпа ам куьзна, йикъа 3-4 сеферда стакандавайди ишлемишда.

***Гзаф** галатнавайла, хуьрекдин пуд тлурунавай базиликдал са стакан ргазвай яд илична, 20 декъикъада тада. Ам ксудалди вилик хъвада.

ЧИЛЕЛ КІВАЛАХЗАВАЙБУРУН СУВАР

ЭХИРИМЖИ вахтара чна кършиламишзавай са жерге суварин арада «Хуьруьн майишатдин работникдин югъ» тІвар алай сувари кьетлен чка кьунва. РФ-дин Президентдин кърардин бинедаллаз, 1999 – йисалай, гър йисан октябрдин вацран кьвед лагъай базар юкьуз и сувар кьейдзава.

Магъарамдхуьруьн район хуьруьн майишат патал гзаф кьулай шартлар, гегъенш мумкинвилер авай районрикай сад я. Иниз килигна, «Гужлу АПК» эвелимжи проектдин рамкайра аваз Магъарамдхуьруьн районда багъманчивал ва уьзюмчивал вилик тухуниз кьуват гунин мураддалди план тешкилнава.

2015- йисалай районда гзаф бегъер гудай (интенсивный) багълар кутунив эгечІнава. ИкІ 2015- йисуз районда 273 гектарда багълар кутунва, абурукай 47 гектар багълар гзаф бегъер гудай (интенсивный) жуьре я.

Алай йисан гатфарихъай багълар ва уьзюмлухар кутунин кІвалахдив тамамвилелди эгечІунин нетижада 2015- йисан апрелдилай 2016- йисан апрелдалди 45 гектар багълар ва 80 гектар уьзюмлухар кутуна. Им алатай йисарив гекъигайла са кьадар артух я. Виниз тир нетижаяр гъвечІ арендаторар СПК-рик экечІунин нетижада арадал атана. И кар «Хуьруьн майишатдин отдел» МКУ-дин са жерге пешекарин ва директор Къазиагъмед Букарован куьмекдин нетижа я.

-Алай вахтунда чун Ставропольдин крайдин Есентуки шегъерда авай Кеферпатан Къавкъаз вилик тухунин мураддалди тешкилнавай корпорациядик экечІнава. Чаз минзаводар кардик кутаз кІанзава, гъасилзавай товарар чкадал гъялдай мумкин-



вал жедайвал- лугъузва «Хуьруьн майишатдин отдел» МКУ-дин директор Къазиагъмед Букарова.

- Алай йисуз 28 агъзур тонн емишар, кьенин юкьуз 75 агъзур тонн майваяр ва 9 250 агъзур тонн уьзюмар кІватІнава. Алатай йисуз 800 гектарда зулун цанар цана. Ци зулун цанарин майдан 150 гектардин артухарнава.

-Эхиримжи йисара гъам республикадин, гъам райондин руководствойрин къайгъударвилин нетижада хуьруьн майишатдин хиле зегъмет чІугвазвай ксариз кьуват гунин мурад яз субсидияр ахъайнава ва ганва. Чи райондай пуд КФХ-диз миллиони зур манат грантар гана. Чи планда балугъчийрин, чІижерхъанрин союзар тешкилун, клевнавай чкайра майваяр цун ква. Ири ва куьлуь карч алай гъайванар хуьн патал 400 гектар интенсивный майданар тешкилнава. Абурукай 40 гектар клевнавай чка я. Къушар хуьнизни кьетлен фикир гузва. Районда хъсан багълар ва питомникар кутунвай Н.Ибрагъимован (Хожакъазмаяр), Ф.Ибрагъимован (Гилияр), Ж.Жабраилован (Магъарамдхуьр), Ж.Агъарагъимован (Ярагъ), А.Сайидханован (Буткъазмаяр), Ж.Эмирбекован (Чачхакъазмаяр) ва са жерге маса юлдашрин тІварар гъуьрметдивди къаз жеда. Тагъирхуьруьнкъазмайрин хуьре яшамеш жезвай Т.Гъабибова суб-

тропикрин культурайрин кьелемар битмишарзава.


- 21- октябрдиз Магъарамдхуьре чил гъялзавайбурун кьвед лагъай форум кьиле фида. Анал алай йисан нетижаяр кьада, вилик эцигнавай планрикай рахад ва тафаватлу хъайи фермерриз наградаяр гуда. ГъакІни и юкьуз районда гъасилнавай хуьруьн майишатдин продукциядин ярмаркани кьиле фида.

Мумкинвилайкай менфят къачуна, заз хуьруьн майишатдин хиле кІвалахзавайбуруз виридаз и сувар рикІин сидкъидай мубарак ийиз кІанзава, къуй квехъ виридахъ мягъкем сагъвал, кІвалахда агалкъунар хъурай.

Дугъриданни Самур, Гуьлгери-чай хътин вацлар, девлетлу тamar, цик квай гуьлуьшан чилер авай районда хуьруьн майишат кІвенкІвечи жергейра хъана кІанзавайди я. Алай вахтунда, райондин руководствови хуьруьн майишатдихъ элкъуьрна тухузвай кІвалах райондин экономика хкажунин карда халис даях жедайдал са шакни алач.

Райондин газетдин коллективдини, райондин хуьруьн майишатдин хиле зегъмет чІугвазвайбуруз, къакъан бегъерар гъасилзавайбуруз и сувар мубаракзава. Куьне чІугвазвай зегъметди хъсан нетижаяр ва бул бегъерар гурай!

КРОССВОРД



Дуъз цӳарара: 1. Гъакъикъатдиз мукъва тушир, къундарма. 4. Гелкъуън, иесивал авун. 7. Секинвал вугун тавун, бизар хъун. 9. Таб, гъакъикъатдиз акси. 11. Чайханада къвалахзавайди. 12. Гуълчве, ракъиникай ва я марфадикай чуънуьх жедай чка. 13. Цӳаял чрай як. 15. Къафун галачиз. 17. Азиятдик квай, дарвили эзмишнавай. 18. Чапхунун.

Тик цӳарара: 1. Умудлувал авачиз. 2. Цвалар ийидайла дишегълийри туплал алукъзай затӳ. 3. Туькъуъл. 4. Зегъер. 5. Хуьре ва я шегъерда яшамиш жезвайди. 6. Азият тагана, михивилелди, къезилдиз къвалах авун. 8. Тӳурди цӳурурун. 10. Дуьнья. 11. Пухлувал. 12. Лезгийрин рикӳ алай са хуьрек. 14. Сал. 15. Шуькӳуьвиллин антоним. 16. Намус.

Маратан агалкъун



И МУКЪВАРА Москвада 2000-2002-йисара дидедиз хъанвай жегъилрин арада азаддиз къуршахар къунай ЦФО-дин къевкъевичвал патал акъажунар кӳиле фена. Магъарамдхуьруьн райондин Ярагъ-Къазмайрилай тир Марат Зингъарова и акъажунра 63 кг-дин заланвал авайбурун арада 1-чка къуна.

Марата Магъарамдхуьруьн спортшколада вердишвилер къачузва ва тренерри къейдзавайвал, ам гележеглу, къуватлу спортсмен я. Алай вахтунда Марат Зингъаров Россиядин чемпионатдиз гъазур жезва.

Самурдин СОШ-дин 11 лагъай класс куьтягъайдан гъакъиндай 2010-йисуз Джамиева Сафари Муьгъуьдиновнадиз гайи 0002416-нумрадин аттестат квахъуниз килигна **къуватда амачирди яз гъисабин**

Къилин редактор
А. А. ИСМАИЛОВ.

Редакциядин адрес:
368780. РД, Магъарамдхуьруьн район, Магъарамдхуьр, Ленинан куьче.

Газет гъафтеда садра акъатзава.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Учредители: Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).
Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Чап ийиз вахкудай вахт - 16.00.
Чапун патал къул чӳгуна- 15.00.

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче. Лезги чӳал.
Индекс 63340. Тираж 1570.
Заказ № 41.

6+